



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Sacrosancti Et Oecvmenici Concilii Tridentini, Pavlo III.
Ivlio III. Et Pio IV. Pont. Max. celebrati, Canones Et
Decreta**

Tridentinum <1545-1563, Trient>

Coloniae, 1615

Bvlla S. D. N. D. Pii, Divina Providentia Papæ 4. super formam iuramenti
professionis.

urn:nbn:de:hbz:466:1-42415

B V L L A S. D. N. D. P I I,
 D I V I N A P R O V I D E N T I A
 Papæ 4. super formam iuramenti
 professionis.

P I V S E P I S C O P V S, S E R V V S
*seruorum Dei, ad perpetuam rei
 memoriam.*

I N iunctum nobis Apostolica seruitutis officium requirit, vt ea quæ Dominus omnipotens, ad prouidam Ecclesiæ suæ directionem, sanctis Patribus, in nomine suo congregatis diuinitus inspirare dignatus est, ad eius laudem & gloriam incunctâter exequi properemus. Cum itaque iuxta Concilij Tridentini dispositionem omnes, quos deinceps Cathedralibus & superioribus Ecclesijs præfici, vel quibus de illarum dignitatibus, Canonicatibus, & alijs quibuscunque beneficijs ecclesiasticis, curam animarum habentibus, prouideri contingeret, publicam orthodoxæ fidei professionem facere, seque in Romanæ Ecclesiæ obedientia permansuros spondere, & iurare teneantur: Nos volentes, etiam per quoscunque, quibus de monasterijs, conuentibus, domibus, & alijs quibuscunque locis, Regularium quorumcunque Ordinum, etiam Militarium, quocumq; nomine vel titulo prouidebitur, idem seruari

& ad hoc, vt vna eiusdem fidei professio vni-
 formiter ab omnibus exhibeatur, vnica-
 que & certa illius forma cunctis innotescat,
 nostræ sollicitudinis partes, in hoc alicui
 minimè desiderari, formā ipsam presenti-
 bus annotatam, publicari, & vbiq; gentium
 per eos, ad quos ex decretis ipsius Concilij
 & alios prædictos spectat recipi & observa-
 ri, ac sub poenis per Concilium ipsum in cō-
 traueniens latis, iuxta hanc & non aliam
 formam, professionem prædictam solemniter
 fieri, auctoritate Apostolica tenore præ-
 sentium districte præcipiendo mandamus,
 huiusmodi sub tenore. Ego N. firma fide
 credo & profiteor omnia & singula, quæ cō-
 tinentur in Symbolo fidei, quo Sancta Ro-
 mana Ecclesia vtitur, videlicet: Credo in v-
 num Deum Patrem omnipotentem, facto-
 rem cœli & terræ, visibilibus omnium, & in-
 uisibilem: & in vnum Dominum Iesum
 Christum, Filium Dei vnigenitum, & ex Pa-
 tre natum ante omnia secula: Deū de Deo,
 lumen de lumine: Deum verum de Deo ve-
 ro; genitum non factum, consubstantialem
 patri, per quem omnia facta sunt: qui pro-
 pter nos homines, & propter nostram salutē
 descendit de cœlis, & incarnatus est de Spi-
 ritu sancto ex Maria virgine, & homo factus
 est, crucifixus etiam pro nobis sub Pontio
 Pilato, passus & sepultus est, & resurrexit ter-
 tiā die secundum Scripturas: & ascendit in
 cœlum, sedet ad dexteram Patris: & iterum
 venturus est cum gloria iudicare viuos, &
 mortuos: cuius regni non erit finis: & in Spi-
 ritum sanctum Dominum, & viuificantem

qui

qui ex Patre Filioque procedit: qui cum Pa-
 tre, & Filio simul adoratur, & conglorifica-
 tur: qui locutus est per Prophetas, & vnam
 sanctam Catholicam, & Apostolicam Eccle-
 siam. Confiteor vnum baptisma in remissio-
 nem peccatorum, & expecto resurrectio-
 nem mortuorum, & vitam venturi sæculi,
 Amen. Apostolicas & ecclesiasticas traditio-
 nes reliquasque eiusdem Ecclesiæ obserua-
 tiones & constitutiones firmissimè admit-
 to, & amplector. Item sacram Scripturam
 iuxta eum sensum quem tenuit & tenet
 sancta mater Ecclesia, cuius est iudicare de
 vero sensu, & interpretatione sacrarum Scri-
 pturarum, admitto: nec eam vnquam nisi iu-
 xta vnanimem consensum Patrū accipiam,
 & interpretabor. Profiteor quoque septem
 esse verè & propriè sacramenta nouæ legis
 à Iesu Christo, Domino nostro, instituta, at-
 que ad salutem humani generis, licet non
 omnia singulis necessaria, scilicet Baptif-
 mum, Confirmationem, Eucharistiam, Pœ-
 nitentiam, Extremam vnctionem, Ordinem
 & Matrimonium. illaque gratiam cōferre,
 & ex his Baptifmum, Confirmationem, &
 Ordinem, sine sacrilegio reiterari nō posse.
 Receptos quoque & approbatos Ecclesiæ
 Catholicæ ritus, in supradictorum omnium
 sacramentorum solemnī administratione
 recipio, & admitto: Omnia & singula, qua
 de peccato originali, & de iustificatione in
 sacrosancta Tridentina Synodo definita &
 declarata fuerunt, amplector & recipio: Pro-
 fiteor pariter in Missa offerri Deo verum
 proprium, & propitiatorium sacrificiū, pro

viuis & defunctis: atque in Sanctissimo Eu-
 charistia Sacramento esse verè, realiter, &
 substantialiter corpus & sanguinem, vnà cū
 anima & diuinitate Domini nostri IESV
 Christi, fieriq; conuersionem totius substā-
 tia panis, in corpus, & totius substātia vini,
 in sanguinem: quam cōuersionē Catholica
 Ecclesiā transubstantiationem appellat. Fa-
 teor etiam sub altera tantum specie, totum
 atq; integrum Christum, verumq; Sacramē-
 tum sumi. Constanter teneo purgatorium
 esse, Animasq; ibi detentas fidelium suffragiis
 iuuari: Similiter & sanctos vnà cum Christo
 regnantes, venerandos, atque inuocandos
 esse, eosq; orationes Deo pro nobis offer-
 re, atque eorum reliquias esse venerandas.
 Firmissime assero, imagines Christi ac Dei-
 parae semper virginis, nec non aliorum San-
 ctorum, habendas & retinendas esse, atq; eis
 debitum honorem, ac venerationem imper-
 tiendam: Indulgentiarum etiam potestatem
 à Christo in Ecclesia relictam fuisse, illarū-
 que usum Christiano populo maxime salu-
 tarem esse affirmo: Sanctam Catholicam &
 Apostolicam Romanam Ecclesiam, omnium
 Ecclesiarum matrē & magistrā, agnosco:
 Romanoque Pontifici, B. Petri, Apostolorū
 principis, successoris, ac Iesu Christi Vicario
 veram obedientiam spondeo, ac iuro: Cete-
 ra irem omnia à sacris Canonibus, & œcu-
 menicis Concilijs, ac præcipuè à sacrosancta
 Tridentina Synodo tradita, definita, & de-
 clarata, indubitanter recipio atq; profiteor,
 simulq; contraria omnia, atq; hæreses qual-
 cumque ab Ecclesia damnatas, & reiectas, &

anathematizatas, ego pariter dāno, reijcio
& anathematizo: Hanc veram Catholicam
fidem, extra quam nemo saluus esse potest,
quam in præsenti sponte profiteor, & vera-
citer teneo, eandem integram & inuiolatā,
vsque ad extremum vitæ spiritum, constan-
tissimè (Deo adiuuante) retineri & cōfiteri,
atque à meis subditis, vel illis quorum cura
ad me in munere meo spectabit, teneri, do-
ceri, & prædicari, quantum in me erit, cura-
turum. Ego idē N. spondeo, voueo, ac iuro.
Sic me Deus adiuuet, & hæc sancta Dei Euā-
gelia. Volumus autem, quod præsentes litte-
ræ, in Cancellaria nostra Apostolica, de mo-
re, legantur: Et vt omnibus facilius pateant,
in eius Quinterno describantur, ac etiam
imprimantur.

Nulli ergo omninò hominum liceat hanc
paginam nostræ voluntatis & mandati in-
fringere, vel ei ausu temerario contraire. Si
quis autem hoc attentare præsumpserit, in-
dignationem omnipotētis Dei, ac beatorū,
Petri & Pauli, Apostolorum eius, se nouerit
incursum. Dat Romæ, apud sanctum Pe-
trum, anno Incarnationis Dominicæ Mille-
simo Quingentesimo Sexagesimo quarto. I.
dibus Nouem. Pontificatus nostri, Anno
quinto.

Fed. Cardinalis Cæsius.

Cæ. Glorierius.

Lectæ & publicatæ fuerunt suprascriptæ litteræ Romæ in Cancellaria Apostolica, anno incarnationis Dominicæ 1564. die vero Sabbathi, nona mensis Decemb. Pontificatus sanctissimi in Christo Patris, & Domini nostri D. Pij, Papæ 4, Anno 4.

A. Lomellinus Custos.

DECLARATIO, QUOD
GRATIAE DE NON RESI-
dendo, & percipiendo fructus ratione
studij non valeant sine con-
sensu Ordinarij.

SANCTISSIMUS in Christo Pater, ac Dominus noster, Dominus Pius, diuina providentia Papa 4. ad cuius aures nuper peruenit, nonnullos curata, vel alios sacros ordines, aut personalē residentiam requirentia beneficia obtinentes, sub prætextu, quod litteris operam dare cupiebant, post confirmationē Concilij Tridentini, per sanctitatem suam factam, & publicatam secum, ut litterarū studio in loco ubi illud vigeat generale, actu insistendo ratione beneficiorum per eos obtentorum huiusmodi vsq; ad quinquennium, vel aliud tēpus tunc expressum, dummodo infra primum illius annuū subdiaconi fieret, ad reliquos ordines promoueri minime teneantur, & tã idem interim, quã alij, etiam ad eosdem ordines, vel eorum aliquem, seu aliquos promoti, quod similiter studentes beneficijs per eos obtentis per Vicarios idoneos, per locorū Ordinarios etiã

con-

cōgrua fructuum beneficiorum huiusmodi
 portione illis assignata, vel aliàs deputādos
 in diuinis deseruiēdo, animarum curā illis
 imminentem exercendo, & alia incumben-
 tia onera supportando, vsq; ad simile tem-
 pus personaliter, in eisdē beneficijs reside-
 re non tenerentur, & nihilominus interea
 oēs eorundem beneficiorum fructus perci-
 pere possent, per ordinariam sãctitatis suæ
 Signaturam, seu Pœnitētiariæ suæ officium
 dispensari, sibiq; pariter indulgeri obtine-
 runt nullum in his vel fraudi, vel circumuē-
 tionī locū, præsertim quoad absentes à Ro-
 mana Curia, de quorum qualitatibus faci-
 lis notitia haberi non potest, quantum hu-
 mana ratione prouideri potest, relinquere
 volens Concilij etiam Tridentini decretis
 inhærendo, huiusmodi dispēsationes & in-
 dulta hætenus concessa, ac tam ipsius pœni-
 tentiariæ, quàm Apostolicas, & alias desu-
 per confectas & conficiendas litteras, pro-
 cessusque habitos, & habendos per easdem
 dictis absentibus nullatenus suffragari, nisi
 singulorum Ordinariorū locorum in qui-
 bus singula beneficia huiusmodi consistunt,
 consensus gratis præstandus ad id accedat,
 Apostolica auctoritate declarauit, decernēs
 irritum, &c.

Placet publicetur & describatur r.

Leſta & publicata fuit supraſcripta Regu-
 la Romæ in Cancellaria Apostolica, Anno
 Incarnationis Dominicæ 1514. die verò Ve-
 neris 24. mensis Nouemb. Pontificatus præ-
 fati S. D. N. Papæ Anno 5.

A. Lomellinus Cūstos.